



Naalackersuisut nunatsinni eqqumiitsuliortut atorsinnaasaannik eqqumiitsuliortut suliffiannik pilersitsinnaanermi pitsaaqutinik pitsaanngequtinillu imaqartumik suliniummut pilersaarummik suliaqaqqullugit, suliniummullu pilersaarut kingusinnerpaamik UPA2020-imi Inatsisartunut agguaanneqassasoq, pilersitsinermilu ingerlatsinermilu aningaasaqarnermut allanullu tunngasunik misissueqqissaanermik imaqassalluni. Tamatuma saniatigut Naalackersuisut eqqumiitsulioriaatsit sorliit sullivimmumut taamaattumut periarfissaqarnermik iluaquteqassanerat pillugit kaammattuuteqarnissaannik tunngasunik Inatsisartuni aalajannngiffigisassatut siunnersuut.

(Inatsisartuni ilaasortaq Aqqaluaq B. Egede, Inuit Ataqatigiit)

(Siullermeerinnineq)

Aaliangiiffingisassatut siunnersuummik Aqqaluaq B. Egede saqqummiussivoq.

Naalackersuisut nunatsinni eqqumiitsuliortut atorsinnaasaannik eqqumiitsuliortut suliffiannik pilersitsinnaanermi pitsaaqutinik pitsaanngequtinillu imaqartumik suliniummut pilersaarummik suliaqaqqullugit.

Aammalu eqqumiitsulioriaatsit sorliit sullivimmumut taamaattumut periarfissaqarnermik iluaquteqassanerat pillugit kaammattuuteqarnissaannik tunngasunik Inatsisartuni aalajannngiffigisassatut siunnersuut.

Uku siunnersuutingineqartut imatut oqaaseqarfingissavagut. Aningaasarpassuarnik peqaraluarutta eqqumiitsuliortut sullivissaanik nutaarsuarmik pilersitsinissaq eqqartorsinnaassangaluarparput.

Ullumikkullu inuiattut inissisimanerput aningaasaqarnikkullu inissisimanerput tamaviaarnaqaaq.

Assersuutingiinnarlugu meeqqerivinni meerartatta paaqqutarineqarnerat ajornartoorutingeqqavarput ilaatigut meeqqerisut akissaataat imminut akilersinnaangittumik inissisimammata.

Uani oqaatingerusuppara politikikkut pingaarnersiuneq annertuumik piffissami uani atorfissaqartipparput isumatusaartariaqarpugut, aningaasat eqqarsarluarluta atortariaqarpagut. Aningaasat siunnersuuteqartup aamma paartiiminni meeqqat inuusuttullu aaqqiiffingineqarnissaat assut suaartaatigisarpaat siunnersuutilli imaattut eqqarsartinnngittuunngilaannga sunamitaava siunnersuuteqartup pingaarnersiuisaguni pingaarnertut inississavaa?

Tamanna qujanassooq Aqqaluaq B. Egede akissuteqarfingisinnaaguniuk. Suliniummik pilersaarusionerq, pilersaarusionerullu kingorna millionerpassuarnik naleqartussaavoq. Taassumallu saniatigut nukinnik annertuumik suliniummut pilersaarusioneramik atuisoqartussaammat.

Aappaattut apeqquserusuppara, una pilersaarummik suliaqaqqusineq imak ilaatigut suliaqaqqusimmat eqqumiitsulioriaatsit sorliit sullivimmumut taamaattumut iluaquteqassanerat kaammattuuteqarnissamik pilersaarusionerq.



Assorujussuaq Demokraatiniik tamanna apeqquserusupparput. Sooq pilersaarusiortut assersuutingalugu Naalackersuisut pilersaarusiussappat eqqumiitsuliortut sorliit iluaqusersussanerlugit. Eqqumiitsuliortut amerlaqaaq, suliakkiut taamaattoq tingussaangippallaaqaaq.

Taamatut oqaaseqarluta siunnersuutip itingartinneqarnissaa Demokraatiniik innersuussutingaarput.